



UNIVERSITÄTS-
BIBLIOTHEK
PADERBORN

Catalogus Patrum Societatis Jesu

Couplet, Philippe

1686

XIV. P. Gaspar Ferreira

[urn:nbn:de:hbz:466:1-64697](https://nbn-resolving.org/urn:nbn:de:hbz:466:1-64697)

De S. Lege Libelli supplices.

Hactenus qui sæculo præterito ingressi Sinam fuere numero undecim e Societate Jesu, dilatata fide Christiana, erectisque sedibus & inchoatis Ecclesiis per quatuor Provincias, *Quam tum, Kiam si, Che kiam, Nan kim,*

XII. P. EMMANUEL DIAZ (Visitator) Lusitanus, Imp. *Vian lie* anno 29. (1601.) Visitator renunciatus venit in Provincias *Kiam si & Nan kim.* Postea rediit in Provinciam *Quam tum.* obiit *Macai* (1639.) æt. 80. & ibidem sepultus.

XIII. P. PETRUS RIBEIRO Lusitanus, *Van lie* Imp. anno 32. (1604.) prædicavit fidem. 1º. in Provincia *Che kiam*, dein in civitate *Xam hay* Provinciæ *Nan kim*, unde diu post reversus in *Che kiam*, ubi obiit anno 1640. æt. circiter 80. & sepultus extra Metropolim in loco *Fam cin.*

XIV. P. GASPAR FERREIRA Lusitanus eodem anno ingressus Provinciam *Honan* fidem inibi propagavit: deinde in Provinciæ *Kiam si* urbe *Kiem cham*, ubi Ecclesiam cum ædibus fundavit. inde regressus in Prov: *Quam tum*, ibidem obiit (1649.) æt. 78. & sepultus *Macai.* Ab eo edita

Suffragia pro sanctis mensuris cum sententiis Sac. Scriptura & SS. Patrum.

Meditationes de 15. Rosarii mysteriis. Ubi de Passione Domini.

Exercitium pietatis ad corda fidelium inflammanda in S. passione Domini, opus posthumum.

XV. P. BARTHOLOMÆUS TUDESCHINI Italus, eodem anno prædicavit fidem in Prov. *Kiam si*, dein in Provinciæ *Quam tum* urbe *Xao chen* ubi obiit 1609. & sepultus est.

XVI. P. ALPHONSUS VAGNONI Pedemontanus *Van lie* Imp. anno 33. (1605.) ingressus *Nan kim* Metropolim ubi publicam aperuit Ecclesiam: deinde primus primus prædicavit fidem in Provinciæ *Xan si* Metropoli *Tai yuen* aliisque oppidis in quibus varias fundavit Ecclesias operâ & favore Præfectorum & primi nominis Litteratorum quos Christo pepererat. Imperantis vero *Zum chim* anno 13. (1640.) obiit æt. 75. & sepultus extra portam oppidi *Kiam chen*. Ab eo edita.

Fusa explicatio Catechismi, ubi de S. passione Domini
2. vol.

Beata Virginis vita, mors, miracula. 3. vol.

Selecta sanctorum Vita. 7. vol.

De Sanctorum Imitatione.

Quatuor novissima. 4. vol.